

fréttabréf **bssl**

Ágúst 2011 33. árgangur 7. tbl.



## Afleysingar í Skaftárhreppi

Ákveðið hefur verið að bjóða bændum í Skaftárhreppi upp á afleysingaþjónustu vegna búsisfja sem þeir hafa orðið fyrir vegna gossins úr Grímsvötnum. Um er að ræða allt að 7 daga aðstoð miðað við 8 vinnustundir á dag eða 56 vinnustundir. Einar Jónsson, Efri-Steinsmýri, hefur verið ráðinn til verksins. Þeir bændur sem áhuga hafa á að nýta sér þessa aðstoð hafi samband við Svein Sigurmundsson hjá Búnaðarsambandi Suðurlands í síma 480 1800.

## efni bréfsins:

Verð á lambakjöti til bændu hækkar...bls.2

Pantanir á túnkortum.....bls.2

Flúor mældist ekki.....bls.2

Tilkynning til bændu í Sunnu...bls.2



## Kúasýningunni KÚR 2011 aflýst

Ákveðið hefur verið að aflýsa kúasýningunni KÚR 2011 sem vera átti laugardaginn 27. ágúst n.k. Ástæðan er þátttökuleysi en alltof fáir gripir voru skráðir til leiks. Búnaðarsambandið og Félag kúabænda á Suðurlandi þakka þeim kærlega sem skráðu gripi til sýningar en því miður er ekki hægt að standa fyrir sýningu með fjölda sem skráður var.

**Búnaðarsamband Suðurlands og Félag kúabænda á Suðurlandi**

## Gjald fyrir flýtiskráningar á nautgripum

Minnt er á að Búnaðarsambandið mun frá og með 1. september n.k. taka gjald sem nemur 5.000 kr/grip fyrir allar flýtiskráningar, þ.e. skráningar á gripum sem komnir eru óskráðir í sláturhús. Ekki verður tekið gjald fyrir skráningar á hjarðbókum né heldur eðlilegum leiðréttingum.

Hægt er að skrá gripi á [www.huppa.is](http://www.huppa.is) eða á þar til gerðum eyðublöðum (hjarðbók). Þau er hægt að fá send frá Búnaðarsambandinu eða nálgast á heimasíðunni, [www.bssl.is](http://www.bssl.is). Aðgangi að Huppu úthluta Bændasamtökin, sími 563 0300. Nánari upplýsingar gefur Guðmundur Jóhannesson, [mundi@bssl.is](mailto:mundi@bssl.is).

## Skiladagur vorbókar í sauðfjárrækt

Síðasti skiladagur vorbókar í skýrsluhaldi sauðfjárræktarinnar er **20. ágúst 2011**. Að þeim tíma liðnum er unnið uppgjör og skýrsluhöldurum send haustbók til skráningar upplýsinga fyrir síðari hluta skýrsluársins á búinu. Þeir sem skila inn vorbókum til skráningar geta gert það á skrifstofum Búnaðarsambandsins eða sent þær í pósti.

## Framlög til korn-, gras- og/eða grænfoodurræktar

Athygli bændu er vakin á því að ákveðnum fjármunum verður varið til korn-, græn- og grasræktar vegna þessa ræktunarárs. Vert er að benda á að lágmarksúttekt á samanlögðu ræktuðu landi er 2 ha og til að standast úttekt á ræktun þarf umsækjandi að leggja fram viðurkennt túnkort. Umsækjandi þarf að stunda búnaðargjaldsskylda framleiðslu.

**Umsókn til Búnaðarsambands um úttekt að hausti jafngildir umsókn um styrk!!!**

Við bendum bændum á að frestur til að óska eftir úttekt vegna jarðræktar 2011 er til **1. október 2011**. Hægt er að óska eftir úttekt á þar til gerðu eyðublaði sem er að finna á heimasíðu Búnaðarsambandsins, [www.bssl.is](http://www.bssl.is), eða með því að hafa samband við skrifstofuna í síma 480-1800.

## Verð á lambkjöti til bænda hækkar um 13,4%

Flest allir sláturleyfishafar hafa nú birt verðskrár sínar fyrir komandi sláturtíð. Hækkunir á verðskráum þeirra eru mun minni en væntingar stóðu til ef litið er til viðmiðunarverðs Landssamtaka sauðfjárbænda sem hækkaði um 25%. Landssamtök sauðfjárbænda hafa gert verðsamanburð sem miðast við kjötmat og sláturmagn á landinu öllu árið 2010 eins og fyrri ár og tekur tillit til verðskráa afturðastöðva í vikum 35-45. Álagsgreiðslur Markaðsráðs eru ekki meðtaldar sem og einstakra fyrirtækja utan vikna 35-45. Skv. þessari samantekt er hækkun á lambkjötsverði til bænda 13,4% frá meðalverði 2010 en verð á kjöti af fullorðnu tæplega tvöfaldast. Meðalverðin eru námunduð í töflunni að næstu heilu krónu en eru reiknuð út með fullri nákvæmni.

16. ágúst 2011	Lömb	Fullorðið	Samtals
KS og SKVH	484 kr.	248 kr.	475 kr.
SAH	482 kr.	248 kr.	472 kr.
SS	479 kr.	247 kr.	470 kr.
Norðenska	479 kr.	248 kr.	469 kr.
Fjallalamb	465 kr.	244 kr.	456 kr.
Viðmiðunarverð LS	583 kr.	306 kr.	573 kr.

## Pantanir á túnkortum

Á síðasta ári hófst áttak í túnkortagerð hjá Búnaðarsambandi Suðurlands. Margir ótvíræðir kostir eru við að eiga gott túnkort og ættu því þeir sem hafa áhuga á slíku, að leggja inn pöntun sem fyrst.

- Teiknaðar túnspildur eru aðgengilegar með loftmynd á jarðræktarforritinu [jord.is](http://jord.is) þar sem hægt er að færa inn allar upplýsingar um spildur og hafa yfirsýn og utanumhald jarðræktarsögu einstakra spildna.
- Túnkort auðvelda og flýta fyrir úttektum og áætlunum hjá ráðunautum.
- Nákvæmt túnkort gefur möguleika á markvissari útreikningum og kostnaðaráætlunum á t.a.m. áburði, ræktun og uppskeru.

Túnkort eru „lifandi plagg“. Mesti kostnaðurinn og vinnan er í byrjun þegar fyrsta túnkortið er unnið en við síðari breytingar er öll vinna og kostnaður mun minni.

Túnkort kostar á bilinu 30.000-55.000 krónur án vsk. á árinu 2011, en getur þó verið breytilegt eftir aðstæðum.

Hægt er að panta túnkort hjá Höllu Kjartansdóttur í síma 480-1800 eða í tölvupósti [hk@bssl.is](mailto:hk@bssl.is).

### Eldgos í Grímsvötnum

## Flúor mældist ekki

Þann 14. júní s.l. voru tekin gróðursýni á eftirtöldum bæjum; Kálfafelli, Kirkjubæjarklaustri, Fagurhlíð, Austurhlíð, Ytri-Ásum og Herjólfsstöðum (sjá töflu). Mælingarnar fóru fram hjá Landbúnaðarháskóla Íslands en mæld voru flúor F, kalsíum Ca, magnesíum mg, kalí K, natríum Na, fosfór P, brennisteinn S og járn Fe.

Flúor mældist ekki í gróður sýnunum sem tekin voru. Járn hafði lækkað verulega frá því 25. maí síðastliðinn. Miðað við þessar niðurstöður þá ætti askan að hafa jákvæð áhrif á gróðurinn.

Sýnatökustaðir	Ca	Mg	K	Na	P	S	Fe
	g	g	g	g	g	g	mg/kg þ.e.
Kálfafell	4,3	2,2	16,6	0,3	3,9	3,8	442
Stjórarsandur Kirkj.	3,3	1,5	19,3	0,2	3,3	2,7	344
Fagurhlíð	3,1	2,0	14,5	0,2	2,8	3,1	337
Austurhlíð	3,7	1,8	12,6	0,1	3,1	2,3	166
Ytri Ásar	2,8	1,8	15,2	0,6	2,4	2,4	272
Herjólfsstaðir	4,9	1,7	16,7	0,4	3,3	3,3	300
Meðaltal:	3,7	1,8	15,8	0,3	3,1	2,9	310



## Tilkynning til bænda í Sunnu

Nú stendur sem hæst vinna við rekstrargreiningar á rekstrar-gögnum frá 2010. Þeir sem enn eiga eftir að skila inn göngum eru beðnir að gera það sem allra fyrst. Nánari upplýsingar gefa rekstrarráðnautar Búnaðar-sambandsins í síma 480-1800.